

ԿՐՕՆԱԳԻՏԱԿԱՆ

ՆԻԿՈՂԱՅՈՍ ՔՈՒԶԱՅԻՆ ԵՒ ՆՐԱ «ԹԱՔՆՎԱԾ ԱՍՏՎԱԾ» ԵՐԿԸ

Եվրոպական Վերածննդի շրջանի մրաժողներից դժվար թե գտնվի մեկը, որն այսօր՝ 21-րդ դարում, այդքան արդիական լինի, որքան է Նիկողայոս Քուզացին (1401-1464) իր աստվածաբանական-փիլիսոփայական յուրահայտով մրաժեղակերպով¹:

Քուզացին ծնվել է 1401 թ. Գերմանիայի Քուեզ կամ Քուզա գյուղաքաղաքում՝ Մոզել գետի ափին՝ Տրիեր քաղաքից ոչ հեռու: Իբրև ուսումնասիրեց երիտասարդ՝ Նիկողայոսն իր բարձրագույն կրթությունն ստանում է նախ Նադերբերգի համալսարանում (1416թ.), ապա Պադուայի համալսարանում (1417-1424 թթ.), որտեղ ստանում է կանոնական իրավունքի և իրավաբանության դոկտորի աստիճան, վերջապես բարձրագույն կրթության նրա փնտրությունն ավարտվում է Քյոլնում՝ 1426 թ.: Քուզացին այս ընթացքում հարկապես հեղափոխվում է հին հունական փիլիսոփայությամբ և հայրաբանական երկերով, գրում, ընդօրինակում և ընթերցում լավագույն ձեռագրերը: Բազելի (1432) և Ֆլորենցիայի (1436-1437) ժողովներին իր ակտիվ մասնակցությամբ, որտեղ որոշվում էր կաթոլիկ եկեղեցու կառավարման ձևերի և նվիրապետության բարեկարգման հարցը, Քուզացին վերջնականապես գրավում է Նոմի պապի ուշադրությունը՝ դառնալով նրա մրերին համախոհներից մեկը, և ի վերջո 1448-1449 թթ. նա ստանում է Կաթոլիկ եկեղեցու կարդինալի բարձրագույն պարիսն ու տիրույթը: Քուզացին մահանում է Նոմում 1464թ. օգոստոսի 11-ին²:

Քուզացին, բացի դիալեկտիկ և նորալատինական իր դիրքորոշումից, կարևոր տեղ է զբաղեցնում նաև Արևելյան ուղղափառ աստվածաբանության և հայրաբանության խոր իմացությամբ և, որ ամենակարևորն է, արևմտյան դիալեկտիկ մրաժեղակերպի հեր համադրությամբ³: Քուզացու համար հարկապես կարևոր էր առաջին անմիջական

1 Նիկողայոս Քուզացու գաղափարների արդիականության և նվիրված հետևյալ ուսումնասիրությունը՝ J. Hopkins, "Nicholas of Cusa (1401-1464): First Modern Philosopher?", in *Midwest Studies in Philosophy*, vol. XXVI (2002): *Renaissance and Early Modern Philosophy*, էջ 13-29:

2 Քուզացու կյանքի և փիլիսոփայության մասին կարևոր մեկնություններից մեկը շարունակում է մնալ Edmond Vansteenberghe-ի ուսումնասիրությունը՝ *Le Cardinal Nicolas de Cues, l'action, la pensée*, Paris, 1920: Քուզացու փիլիսոփայական-աստվածաբանական հայացքների մասին քիչ թե շատ ամբողջական մարքեթագիստական ցանկի համար տես J. Hopkins, *Supplementary Cusamus-Bibliography*, <http://jasper-hopkins.info/cusabibliography.pdf>:

3 Նոր կամ արդի փիլիսոփայության մեջ Նիկողայոս Քուզացու դերի ու նշանակության մասին տես R. Falckenberg, *Geschichte der neueren Philosophie von Nikolaus von Cues bis zur Gegenwart*, Leipzig, 1905, էջ

հանդիպումն Արևելյան Բյուզանդական քրիստոնյա աշխարհի հետ 1437 և 1438 թվականներին, երբ նա հատուկ առաքելությամբ Կրեյտում էր՝ Արևելյան Ուղղափառ Բյուզանդական և Կաթոլիկ Լատին Եկեղեցիների միջև հավարի միությունն իրականացնելու նպատակով: Նույն այստեղ էլ ծնվում է Քուզացու հիմնարար գաղափարներից մեկը՝ «համադրության հակադրության» (oppositorum coincidentia), որը նա հետագայում ավելի զարգացրեց իր De Docta ignorantia (Գիտելիքի սահմանափակության մասին), De Visione Dei (Աստվածաբանության մասին), De Pace Fidei (Նավարի խաղաղության մասին) փիլիսոփայական-աստվածաբանական երկերում:

Նիկոլայոս Քուզացու փիլիսոփայական հայացքների այժմեականությունն ու արդիականությունն են վկայում եվրոպական և ամերիկյան բազմաթիվ գիտական ընկերություններ, որոնց հիմնական առաքելությունն է Քուզացու փիլիսոփայական երկերի հրապարակությունը և ուսումնասիրությունը: Դրանցից հարկապես նշանավոր է 1960 թ. Տրիերում (Գերմանիա) ստեղծված «Քուզանյան ընկերությունը» (Cusanus-Gesellschaft), որը 1961-ից մինչև այսօր 32 հատորով հրապարակել է Նիկոլայոս Քուզացու երկերի մեծ մասի լատիներեն քննական բնագիրը, ինչպես նաև Քուզացու և նրա փիլիսոփայության վերաբերյալ ուսումնասիրությունները⁴:

Նիկոլայոս Քուզացին այս փոքրածավալ փիլիսոփայական-աստվածաբանական պրամախոսությունը գրել է 1445 թվականից մի փոքր առաջ՝ ներշնչվելով իր հիմնարար երկից՝ De Docta ignorantia, և փորձելով այստեղ արտահայտված գաղափարները գրական մարչելի ձևով ամփոփել «Թաքնված Աստված» (De Deo abscondito) երկում: Վերջինս հայերեն թարգմանությամբ ներկայացվում է առաջին անգամ: Թարգմանությունը կարարել ենք լատիներեն բնագրից՝ օգտագործելով նաև եվրոպական հեղինակավոր գիտնականների և կենսագրողների իրականացրած թարգմանություններն ու հրապարակությունները⁵: Երկում առկա որոշ լատիներեն փիլիսոփայական-աստվածաբանական եզրերի հայերեն թարգմանությունը փոխառել ենք 1695 թվականին Տոմսում տպագրված լատիներեն-հայերեն բառարանից⁶:

Տ. ՇԱՆԵ ԱԲԵՂԱ ԱՆԱՆՅԱՆ

18-24:

4 Տե՛ս ընկերության պաշտոնական կայքը՝ <http://urts173.uni-trier.de>, նույն <http://www.cusanus-portal.de>:

5 Nicolai de Cusa Opera Omnia, vol. IV, Hamburg, Felix Meiner Verlag, 1959; Nicolai de Cusa Opera, Basiliae, 1565; “A Miscellany of Nicholas of Cusa”, tr. by J. Hopkins, The Arthur J. Banning Press, Minneapolis, 1994; “Nikolaus von Kues: Philosophisch-theologische Schriften, lateinisch-deutsch”, Band 1, Wien 1964, չջ 300-301; **Николай Кузанский**, Сочинения в двух томах, том 1, Академия наук СССР, изд. “Мысль”, Москва, 1979, 283-288:

6 Dictionarium Latino-Armenum, Super Sacram Scripturam et libros Divini Officii Ecclesia Armenae (Բառգիրք Լատինացոց և Տայոց ի վերայ Աստուածաշունչ գրոց և ժամականություն գրոց Տայոց եկեղեցոյն), Romae, MDCXCV (1695):

ԹԱՔՆՎԱԾ ԱՍՏԾՈՒ ՄԱՍԻՆ

Բանավեճ-երկխոսություն
Հեթանոս-անհավատի եւ քրիստոնյայի միջեւ

ԱնձաՎաթ. Տեսնում եմ, որ ջերմեռանդությունը եւ սրտաբուխ արցունքներով ու անկեղծ հեծեծանքներով ես ծնկել: Ո՞վ ես դու, ասա՛, խնդրում եմ:

Քրիստոնյա. Քրիստոնյա եմ:

ԱնձաՎաթ. Եւ ո՞ւմ ես պաշտում:

Քրիստոնյա. Աստծուն:

ԱնձաՎաթ. Ո՞վ է Աստված, որին պաշտում ես:

Քրիստոնյա. Ձգիտեմ:

ԱնձաՎաթ. Ինչպե՞ս կարելի է այդքան լրջորեն պաշտել մեկին, ում չես ճանաչում:

Քրիստոնյա. Պաշտում եմ նրան, ում չեմ ճանաչում:

ԱնձաՎաթ. Զարմանքով տեսնում եմ մի մարդու, որ այդքան նվիրված է մեկին, ում չի էլ ճանաչում:

Քրիստոնյա. Բայց ավելի զարմանալի է, երբ մարդ նվիրված է նրան, ում արդեն ճանաչում է:

ԱնձաՎաթ. Ինչո՞ւ:

Քրիստոնյա. Քանզի մարդ ավելի քիչ բան գիտի այն մասին, ինչն արդեն ճանաչում է, քան այն մասին, ինչը նրա համար գիտակցաբար անճանաչելի է (scit ignorare)⁷:

ԱնձաՎաթ. Պարզաբանի՛ր, խնդրում եմ:

Քրիստոնյա. Յուրաքանչյուր ոք, ով մտածում է, թե որեւէ բան գիտի (այնինչ ոչինչ էլ չի կարելի իմանալ), ինձ անմիտի մեկն է թվում:

ԱնձաՎաթ. Տեսնում եմ, որ խելքդ լրիվ թուցրել ես, որովհետեւ ասում ես, թե ոչինչ կարելի չէ իմանալ:

Քրիստոնյա. «Գիտելիք» կամ «իմացություն» ասելով հասկանում եմ ճշմար-

⁷ Այս երկխոսության մեջ Քուզացին նկատի է առնում, թե մարդկային իմացությունը ոչինչ չի կարող իմանալ: Նրա հիմնական փաստարկն այն է, որ արարածները, ավյալ դեպքում մարդկային սահմանափակ գիտությունը, չի կարող բացարձակ հստակությամբ ճանաչել իրերը, հեքեաբար՝ բացարձակ ճշմարտությունը: Միայն Աստված ունի սահմանափակ իրերի բնության մասին բացարձակ ճշգրիտ գիտելիք՝ ճանաչելով նաեւ իր իսկ անսահման բնությունը: Եւ չնայած մարդիկ գիտեն Աստծո գոյության մասին, այնուամենայնիվ, նրանք ո՛չ այս, ո՛չ նույնիսկ հանդերձալ կյանքում չեն կարող ճանաչել ու արարեալից Աստվածային բնությունը: Սույն երկուսն Քուզացին կրկնում է «De Docta Ignorantia» աշխատության մեջ արտահայտված միտքը. «գիտական անգիտությունն իրերն հիմք ունի այն փաստը, որ բացարձակ ճշգրիտ ճշմարտությունն անհասանելի է» (De Docta Ignorantia, I 2, 8-)

տուրթյան ընկալումը: Ինքն իրեն ինչ-որ բան իմացող համարելով՝ մարդ հավակնում է նաեւ ճշմարտության ընկալմանը:

Անձազաք. Ես էլ եմ այդպես կարծում:

Քրիստոնյա. Սակայն ինչպե՞ս կարող է ընկալելի դառնալ ճշմարտությունը, եթե ոչ ինքն իրենով, ինքնաբերաբար (*per se ipsam*): Այն ընկալելի չէ նաեւ այն դեպքում, եթե ընկալողը նախորդում է ընկալվող առարկային:

Անձազաք. Ես չեմ հասկանում, թե ինչպե՞ս կարող է ճշմարտությունն ընկալելի դառնալ ինքն իրենով (*per se ipsam*):

Քրիստոնյա. Կարծում ես, թե կարելի՞ է այն ընկալել այլ կերպ եւ այլ հասկացության մեջ (*sit et in alio*):

Անձազաք. Այո՛:

Քրիստոնյա. Ակնհայտորեն սխալվում ես: Ըշմարտությունից դուրս չկա ճշմարտություն, չըջադժից դուրս չկա չըջան, մարդկությունից դուրս չկա մարդ արարածը: Այդպես նաեւ ճշմարտությունից դուրս կամ որեւէ այլ հասկացություն մեջ առկա չէ ճշմարտությունը:

Անձազաք. Այդ դեպքում ինչպե՞ս կարող եմ իմանալ, թե ի՞նչ է մարդը, քա՜րը եւ մնացած այն ամենը, ինչը գիտեմ:

Քրիստոնյա. Դու դրանցից ոչ մեկի մասին էլ որեւէ բան չգիտես⁸, այլ միայն կարծում ես, թե գիտես (*sed te putas scire*): Արդ, եթե ես քեզ հարցնեմ իբր քեզ հայտնի իրերի էություն մասին, դու կհաստատես, որ չես կարող արտահայտել մարդու կամ քարի իրական էությունն ու բնույթը: Այն փաստը, որով դու գիտես, թե մարդը քար չէ, բխում է ոչ թե այն գիտելիքից, որով դու ճանաչում ես քարին եւ մարդուն եւ տարբերակում ես դրանք, այլ ավելի շուտ դեպքից (*ex accidenti*), գործառույթների ու տեսանելի ձևերի տարբերությունից, որին, երբ դու սկսում ես տարբերակել, տարբեր անուններ ես տալիս: Քանզի մեր մտավոր տարբերակման ժամանակ չարժուժն է տալիս անուններ:

Անձազաք. Ըշմարտությունը մե՞կն է, թե՞ մի քանիսը:

Քրիստոնյա. Բացարձակ միակ է: Քանզի գոյություն ունի միայն մեկ միակություն (*una unitas*), իսկ ճշմարտությունն էլ համընկնում է (*coincidit*) միակության հետ, եթե ճիշտ է, որ մեկ է միակությունը (*sit unam esse unitatem*): Հետեւաբար, ինչպես որ թվի մեջ չկա այլ բան, քան բացարձակ միակություն⁹, այդպես էլ բազմություն մեջ մեկ է ճշմարտությունը: Այսու, ով չի հասկանում մեկը, երբեք էլ չի հասկանա թիվը, եւ ով որ չի ընկալում ճշմարտության միակությունը, ոչինչ էլ չի կարող ճշմարտապես հասկանալ: Եւ չնայած որ կարծում

8 Stn նաեւ De Docta Ignorantia երկում արգահայրված միպքը. «Նախաբար, իրերի բուն էությունը, որը նաեւ ճշմարտությունն է, իր իսկության մեջ անհասանելի է» (I 3, 10:18-19):

9 Միակի ու միակության վերաբերյալ ավելի հստակ ու լուսաբանված միպքեր եմ առկա նաեւ De Docta Ignorantia երկում (I 5, 14:1-4; II 3, 105:14-16):

է, թե գիտի ճշմարտապես, կարող է նաեւ իրապես ավելի լավ ճանաչել իրերը, որոնք իր կարծիքով գիտի եւ ճանաչում է: Օրինակ, այն, ինչ տեսնում ես, կարելի է ավելի ճշմարտացիորեն տեսնել. չէ՞ որ ավելի սուր տեսողությունն ավելի ճշմարտացիորեն է տեսնում¹⁰: Հետեւաբար, ստացվում է, որ դու տեսնում ես առարկան ոչ այնպես, ինչպիսին այն է իրականում: Նույնն է պարագան նաեւ լսողական եւ այլ զգայարանների համար: Բայց այն ամենը, ինչ մարդիկ գիտեն (ոչ այն գիտելիքի շնորհիվ, որով կարելի է իմանալ ամեն բան), գիտեն ոչ թե ճշմարտություն, այլ ճշմարտությունից տարբեր մի ձեւով եւ ոչ ինքնաբերաբար: Արդ, անտրամաբանական վիճակում է նա, ով կարծում է, թե ինչ-որ բան գիտի ճշմարտություն, բայց իրականում առանց ճշմարիտ գիտություն է: Մի՞թե խելագար չեն համարի այն կույրին, որ, առանց գույները ճանաչելու, կկարծի, թե տարբերակում է դրանք:

Անձալափ. Այդ դեպքում, եթե ոչինչ կարելի չէ իմանալ, ո՞վ է իմաստունն ու գիտունը մարդկանց մեջ:

Քրիստոֆոֆ. Նա է իմաստուն, ով գիտի, որ ոչինչ էլ չգիտի: Եւ նա է պատվում ճշմարտությունը, ով գիտակցում է, որ առանց ճշմարտության չի կարող որեւէ բան ընկալել, գոյել, կենդանի մնալ կամ էլ հասկանալ որեւէ բան:

Անձալափ. Շատ հավանական է, որ ճշմարտության մեջ լինելու ցանկությունն է քեզ մղում երկրպագության¹¹:

Քրիստոֆոֆ. Ճիշտ այդպես: Քանզի ես պաշտում եմ Աստծուն, բայց ոչ այն Աստծուն, որին քո հեթանոսական պատկերացմամբ գիտություն ես վերագրում եւ աստված անվանում, այլ այն Աստծուն, ով անխախտելի ճշմարտություն է:

Անձալափ. Եղբայր, քեզ հիմա հարց եմ տալիս. դու պաշտում ես Աստծուն, ով ճշմարտություն է, մենք էլ նպատակ չունենք պաշտելու ճշմարիտ Աստծուն, ո՞րն է, ուրեմն, մեր (հեթանոսների) եւ ձեր (քրիստոնյաների) տարբերությունը:

Քրիստոֆոֆ. Տարբերությունները շատ են: Բայց դրանցից ամենամեծն ու ամենաէականն այն է, որ մենք պաշտում ենք ինքնին բացարձակ, անսահմանելի, հավիտենական ու անխախտ ճշմարտությունը, մինչդեռ դուք պաշտում եք ճշմարտությունը ոչ որպես ինքնին բացարձակի, այլ իբրեւ այնպիսի, ինչպիսին է նա իր գործերի մեջ: Դուք պաշտում եք ոչ թե բացարձակ միակին, այլ թվի ու բազմության մեջ միակին: Հետեւաբար, դուք սխալվում եք, այնինչ ճշմարտությունը, որ Աստված է, անհաղորդակցելի է:

Անձալափ. Եղբայր, խնդրում եմ, Աստծո մասին քո պատկերացումն ավելի հստակեցրու: Ասա՛ ինձ. ի՞նչ գիտես այն Աստծո մասին, որին պաշտում ես:

10 Քուգաու մեթաֆորիկ մրաձեղակերպի մասին ավելի մանրամասն տես K. Harries, "The Infinite Sphere: Comments on the History of a Metaphor", Journal of the History of Philosophy 13 (January 1975), էջ 5-15:

11 Նմնր. Նովի. 3:21:

Քրիստոնյա․ Գիտեմ, որ այն, ինչ գիտեմ, Աստված չէ, եւ այն, ինչ ընկալում եմ, նման չէ Աստծուն, այլ Աստված անդրանցնում է դրանք։

ԸնՀաժադ․ Հետեւաբար, Աստված ոչինչ է։

Քրիստոնյա․ «Ոչինչ» չէ, որովհետեւ «ոչինչ»-ն ինքնին անուն ունի՝ «ոչինչ»։

ԸնՀաժադ․ Արդ, եթե «ոչինչ» չէ, ուրեմն ինչ-որ բան է։

Քրիստոնյա․ Ոչ էլ ոմն մեկն է, որովհետեւ ոմն մեկն ամեն բան չէ։ Եւ Աստծո պարագային չենք կարող ասել, թե Աստված ավելի շուտ ոմն մեկն է, քան ոչինչ։

ԸնՀաժադ․ Շատ տարօրինակ հայտարարություններ ես անում, թե Աստված, որին պաշտում ես, ո՛չ ոչինչ է, ո՛չ էլ ինչ-որ բան։ Այս տեսակետը որեւէ տրամաբանություն չի ենթարկվում։

Քրիստոնյա․ Աստված ավելին է, քան ոչինչն ու ինչը, որովհետեւ ոչինչը, նրան ենթարկվելով, դառնում է ինչ։ Այդպիսին է նրա ամենագործությունը։ Դրանով նա գերազանցում է բոլոր գոյերին ու չգոյերին, եւ նրան են ենթարկվում ե՛ւ գոյություն չունեցողները, ե՛ւ գոյություն ունեցողները։ Նրա կամքով է չգոյ դառնում գոյ, իսկ գոյն էլ՝ չգո, որը Նրան ենթակա իրերի մեջ է, որոնց նախորդում է նրա ամենագործությունը։ Հենց այս պատճառով չենք կարող ասել, թե Աստված այս է կամ այն, որովհետեւ ամեն բան Նրանից է։

ԸնՀաժադ․ Նա կարո՞ղ է անուն ստանալ։

Քրիստոնյա․ Անուն ստացողը փոքր է, իսկ Նա, ում մեծությունն անըմբռնելի է, մնում է անարտահայտելի։

ԸնՀաժադ․ Ուրեմն, Նա անարտահայտելի՞ է։

Քրիստոնյա․ Նա անարտահայտելի չէ, այլ միայն ամեն արտահայտելից վեր է՝ իբրեւ ցանկացած անվանակրի պատճառ։ Եւ ուրեմն, չի կարող պատահել, որ Նա, ով մնացած բոլորին անուն է տալիս, առանց անունի է։

ԸնՀաժադ․ Հետեւաբար, Նա ե՛ւ անարտահայտելի է, ե՛ւ արտահայտելի։

Քրիստոնյա․ Ո՛չ, ո՛չ եւ ո՛չ։ Աստված ոչ թե հակասությունների հիմքն է, այլ Պարզություն է, որն ամեն հաստատություն հիմքում է ընկած։ Արդ, չենք կարող ասել, որ Նա ե՛ւ արտահայտելի է, ե՛ւ անարտահայտելի։

ԸնՀաժադ․ Ի՞նչ կասես, ուրեմն, Նրա մասին։

Քրիստոնյա․ Այս պարագային նա ոչ կարող է անվանվել եւ ոչ էլ չանվանվել․ նա միաժամանակ ե՛ւ անուն ունի, ե՛ւ չունի։ Ոչ մի փոխլրացնող եւ փոխբացառող կամ էլ հակադրվող հասկացություն չի կարող ընդգրկել նրա անսահման մեծությունը։ Հետեւաբար, նա միակ Սկիզբն է, որը նախորդում է իր մասին եղած ցանկացած պատկերացման։

ԸնՀաժադ․ Հետեւաբար, գոյն էլ Աստծուն չի կարող համապատասխանել։

Քրիստոնյա․ Քո դատողությունը շատ ճիշտ է։

Անձավար. Հետեւաբար, Նա չգո է:

Քրիստոս. Աստծո պարագային «Նա ոչինչ է» եւ կամ «Նա ոչինչ է» ասելը ճիշտ է: Ավելին, Նա բոլոր գոյութիւնն ունեցող եւ գոյութիւնն չունեցող արարածներին Սկզբնաղբյուրն է:

Անձավար. Աստված բոլոր գո եւ չգո արարածների Սկզբնաղբյուրն է:

Քրիստոս. Ո՛չ:

Անձավար. Բայց դու հենց նոր ասացիր այդ մասին:

Քրիստոս. Այդ ասելով ճշմարտութիւնը խոսեցի, եւ հիմա էլ ճշմարիտ եմ ասում, երբ ժխտում եմ: Քանզի եթե կան գոյութեան ու չգոյութեան ինչ-ինչ սկիզբեր, ապա Աստված նախորդում է դրանց: Այնուամենայնիւ, չգոյութիւնն իր չգոյութեան համար սկիզբ չունի, այլ միայն՝ իր գոյութեան համար: Քանի որ չգոյութիւնը գոյելու համար կարիք ունի սկզբի: Այս իմաստով, ուրեմն, նա չգոյութեան Սկիզբն է, որովհետեւ առանց նրա չգոյութիւնը գոյութիւնն չէր ունենա:

Անձավար. Աստված ճշմարտութիւնն է:

Քրիստոս. Ո՛չ, նա ճշմարտութիւնից էլ առաջ է:

Անձավար. Իսկ արդյոք Նա տարբեր է ճշմարտութիւնից:

Քրիստոս. Ո՛չ, որովհետեւ տարբերութիւնը Նրան հասու է: Նա անհասանելի ու անսահման կերպով գերազանցում է այն ամենը, ինչը մենք ընկալում եւ անվանում ենք ճշմարտութիւն:

Անձավար. Իսկ դուք՝ քրիստոնյաներդ, Աստծուն «Աստված» չե՞ք անվանում:

Քրիստոս. Անվանում ենք:

Անձավար. Այդպիսով դուք մի՞թե չեք փորձում տարբերակել ճիշտն ու սխալը:

Քրիստոս. Ո՛չ առաջինը, ո՛չ երկրորդը եւ ո՛չ էլ երկուսը միաժամանակ: Մենք չենք փորձում «Աստված» անունը նրան տալով հաստատել ճշմարտութիւնը, ոչ էլ սխալ ենք համարում այն, որ Նրա անունն «Աստված» է: Եւ ոչ էլ նշում ենք, թե այդ հաստատումը ճիշտ է ու սխալ միաժամանակ: Քանզի Նրա պարզութիւնն անդրանցնում է ե՛ւ անունն ունեցող, ե՛ւ անանուն իրերին:

Անձավար. Ուրեմն ինչո՞ւ եք դուք՝ քրիստոնյաներդ, օգտագործում «Աստված» անունը Նրա համար, ում չեք ճանաչում:

Քրիստոս. Այդ անվան միջոցով Նրա կատարելութեանը նմանվելու նպատակով:

Անձավար. Բացատրի՛ր, խնդրում եմ:

Քրիստոս. «Աստված» անունը ծագում է θεωρէω բառից, որ նշանակում

է «տեսնել»¹²: Մեր տեսողության շրջագծի մեջ Աստված գույներն տեսագծին է նման: Ըստ էության, գույնն այլ կերպ անհնար է ըմբռնել, քան տեսողությամբ, իսկ բոլոր գույներն ընկալելիության նպատակով, տեսողության կենտրոնն անգույն է: Հետեւաբար, գույնի շրջագծում տեսողությունը բացակա է, քանզի տեսողությունն անգույն է: Ըստ այսմ, գույնի շրջագծի հետ համեմատած՝ տեսողությունն ավելի շուտ ոչինչ է, քան ինչ: Չէ՞ որ գույնի շրջագծը դրանից դուրս ոչ մի գոյության (esse) չի պատկանում՝ հաստատելով, որ գոյը գոյություն ունի միայն իր շրջագծի սահմաններում, որտեղ այլեւս անհասանելի է տեսողությունը: Հետեւաբար, տեսողությունը (visus), իբրեւ անգույն, գույնի շրջագծից ներս անանում է, որովհետեւ այլեւս ոչ մի գույն նրան չի համապատասխանում: Այնուամենայնիվ, տեսողությունը, իր տարբերակման շնորհիվ (per discretionem), գույներին անուններ է տալիս: Գույնի ոլորտում տեսողությունից է կախված յուրաքանչյուր անվանակոչություն, իսկ տեսողության անունը, որից ծագում են բոլոր անունները, դառնում է ավելի շուտ ոչինչ, քան ինչ: Ահա եւ Աստված էլ բոլոր իրերին վերաբերվում է այնպես, ինչպես տեսողությունը՝ տեսանելի իրերին:

Անհավատ. ինձ դուր են գալիս քո խոսքերը: Եւ ես շատ լավ հասկացա, որ՝ ա. արարածների ոլորտում անկարելի է գտնել Աստծուն ու Նրա անունը.

բ. Աստված անհասանելի է ցանկացած դատողության համար՝ չենթարկվելով «ինչ»-ի հաստատմանն ու սահմանմանը: Քանզի, չունենալով արարածի հատկություններ, նա չի պարունակվում արարածների ոլորտում: Ավելին, բաղկացյալների ոլորտում անհնար է գտնել անբաղկացյալին: Արդ, անվանակոչված բոլոր անունները բաղկացյալներ են: Իսկ վերջինս էլ ոչ թե ծագում է ինքն իրենից (ex se) , այլ նրանից, որ նախորդում է բոլոր բաղկացյալներին: Եւ չնայած որ թե՛ բաղկացյալները եւ թե՛ բաղկացյալների ոլորտն իրենց գոյությամբ պարտական են անբաղկացյալին, այնուամենայնիվ, անբաղկացյալը, իբրեւ ոչ բաղկացյալ, անճանաչելի է մնում բաղկացյալների ոլորտում:

Արդ, թող Աստված, որ ծածկված է աշխարհիս բոլոր իմաստունների աչքերից, օրհնյալ լինի հավիտյանս:

12 Sicut inquit De Quarendo Deum I 19. «Եւ քաղ ծագում է Եւթթա քայից, որ կշանակում է տեսնել կամ ըմբռնել»: